

## **GRIONS**

- Il cjampanili (n°52)
- La glesie (n°43)
- Sante Ane (n°45)
- La cuccagne (n°9)
- Partide tra vedrans e maridâts (n°61)

## **IL CJAMPANILI DI GRIONS**

Il cjampanili di Grions al è alt 25 m; si pense che al sedi stât fat sù dal XVI al XVII secul.

Chê costruzion e rivave fin al orloi di vuê.

Tor dal 1850 al fo alçât e completât cu la cele pes cjampanis.

Al è sigûr che lis cjampanis a son stadis metudis dal 1920, date che si le cjate su lis stessis cjampanis.

## **LA GLESIE DI GRIONS**

La glesie e je dedicate a sant Andree apuestul, che al è il santul dal paîs.

Ancje la glesie e varès di sei dal XVII secul, tant che daûr di cualchidun lis trupis di Napoleon le varessin distrute.

Po si le slargjà e modificà.

Al è sigûr che dal 1900 al 1930 a forin fatis lis ristrutturazions che si pues viodilis ancje vuê

## **SANT ANDREE**

Ogni an, la ultime domenie di Novembar, si fâs la fieste dal patron, sant Andree.

## **SANTE ANE**

Tancj agns indaûr a Grions, vie pal mês di Lui, e vignì la peste. Cuintri de malatie la int si avodà a sante Ane. Il vôt al fo esaudît cuntun miracul.

Ancje vuê si puarte la statue pes stradis dal paîs e si fâs Messe grande.

## **CUCAGNE**

La cucagne al è un zûc popolâr che a Grions si lu fâs tal mês di Lui, intant de fieste di sante Ane.

Adalt di un pâl onzût di gras si picjin angurie, salams, balons di aghe; i zovins, un sore des spalìs di chel altri, a fasin une scjale fintremai che un al rive in ponte par dispicjà la cucagne.

## **PARTIDE TRA VEDRANS E MARIDÂTS**

La partide jenfri vedrans e maridâts si le fâs pe fieste di sante Ane.

Pai fantats dal pâis al è un moment par cjatâsi e svariâsi.